

Guovlluhálddahušvirgedoaimmahagat adde mearrádusaid skuvllaid doaibmansajit giddema dihte

Guovlluhálddahušvirgedoaimmahagat leat vuossárgga 23.3.2020 mearridan giddet iežaset doaibmaguovllu skuvllaid, oahppolágádusaid, universitehtaid ja ámmátallaskuvllaid sihke rávesolbmuidskuvllaid ja eará friddja čuvgehusbarggu doaibmansajiid. Doaibmansajiid sáhtá goit spiehkastahkan geavahit buot ovdaoahpahusa oahppiide, vuodđooahpahusa 1-3 jahkeluohkáid oahppiide, sierra doarjaga mearrádusa ožžon oahppiide ja guhkiduvvon oahppogeatnegasvuodá bires leahkki oahppiide lágiduvvon oahpahussii.

Stáhtaráđđi attii 20.3.2020 lánkaásahusa gaskaboddasaš ráddjehusaid birra addon stáhtaráđi lánkaásahusa (126/2020) 3 §:a nuppástuhttimis, mat gusket árrabajásgeassima sihke oahpahusa ja skuvlema lágidangeatnegasvuodá.

Nuppástusain, mii ráddje dán lágidangeatnegasvuodá ásašusheivehallama, nuppástuhttui nu ahte das sihkkjuvvui gáibádus vánhemiid doaibmamis servodaga doibmema dáfus kritihkalaš surggiin.

Lánkaásahusnuppástusain lasihuvvo vuodđooahpahuslágas oaivvilduvvon oahppiid ovtaveardásaš vuoigatvuohta oážžut lagasoahpahusa nu ahte sihkkjuvvui lánkaásahusas gáibádus fuolaheaddjiid bargamis servodaga doaimmaid dáfus kritihkalaš surggiin. Lánkaásahusnuppástusain dorvvastuvvo maid relativitehtavuodđojurdda sihke váldo vuhtii oahppiid ahki ja ovdánandássi vai erenoamážit heajumus dási oahppiin seailu vuoigatvuohta oážžut lagasoahpahusa.

Guovlluhálddahušvirgedoaimmahagat leat vuossárgga 23.3.2020 mearridan giddet iežaset doaibmaguovllu skuvllaid, oahppolágádusaid, universitehtaid ja ámmátallaskuvllaid sihke rávesolbmuidskuvllaid ja eará friddja čuvgehusbarggu doaibmansajiid. Ovddabealde máinnašuvvon doaibmansajiid sáhtá goit spiehkastahkan geavahit buot ovdaoahpahusa oahppiide, vuodđooahpahusa 1-3 jahkeluohkáid oahppiide ja vuodđooahpahuslága 17§:s oaivvilduvvon sierra doarjaga mearrádusa ožžon oahppiide ja vuodđooahpahuslága 25 §:a 2 momēanttas oaivvilduvvon guhkiduvvon oahppogeatnegasvuodá bires leahkki oahppiide lágiduvvon oahpahussii.

Guovlluhálddahušvirgedoaimmahagat goit ávžžuhit, ahte mánát dollojit ruovttus, jos dat beare lea vejolaš.

Doaibma, mii dáhpáhuvvá skuvllas dahje árrabajásgeassimis, ii adnojuvvu almmolaš čoahkkaneapmin ja 10 heakka njuolgadusa ii dárbbas čuovvut. Neavvut dattege bargat dábalaš smávit joavkkuin njoammunvára geažil sihke beavttálmahttit čorgema ja giehtašygeniija.

Riska njoammuma oážžumii lea loktanen oppa Eurohpás ja eará sajis máilmmis. Maid Suomas lagamus áiggis lea vuorddehahtti ahte bohtet ovdan njoammumat, maid njoammunráidduid ii šat sáhte guorrat, ja njoammunriska oahppolágádusain lassána. Nuppe dáfus seamma áigge njoammunriska lassána juohke bealde eará sajisge servodagas, ránnjain, bargosajiin ja johtolatfievrruin. Dán dihte guovlluhálddahušvirgedoaimmahagat ávžžuhit, ahte mánát dollojit ruovttus, jos dat lea beare vejolaš.

Guovlluhálddahušvirgedoaimmahagaid mearrádusat gusket buot nannán-Suoma gielddaid ja leat fámus 13.4.2020 rádjai.

Guđege guovlluhálddahušvirgedoaimmahaga iežas guvlui addin mearrádus vuodđuduvvá njoammudávdalága (1227/2016) 58 §:s oaivvilduvvon doaimmaide, main eastit ođđa koronavirusa dagahan infekšuvnna leavvama ja olbmuide ja servodahkii dan dagahan hehttehusaid.

Guovlluhálddahušvirgedoaimmahagaid mearrádusat leat addon almmolaš diehtunaddin. Diehtunaddimat gávdnojit čujuhusas <https://www.avi.fi/web/avi/yleistiedoksiannot>

Lassidieduid min mearrádusaid birra

Skuvllaide, oahpahussii ja árrabajásgeassimii laktáseaddji gažaldagat

Telefovdna 0295 016 710, šleađgaboasta opetus.koronainfo@avi.fi

Álbmotdilálašvuodáide, dáhpáhusaide, restauránjaide, dearvvasvuodáfuolahussii, sosiálafuolahussii, birasdearvvasvuhtii ja beaivválaš gálvofuolahussii laktáseaddji gažaldagat

Telefovdna 0295 016 666, šleađgaboasta koronainfo@avi.fi

*Dieđáhus lea divvojuvvon 24.3.2020 bajilčállosa ja álggahusa oasil. Guovlluhálddahasvirgedoaimmahat attii mearrádusaid skuvllaid doaibmansajiid giddema birra, ii vuodđooahpahusa lágideami birra.*